

1. Suol le kâr suk hla rawh: Covid-19 hri ei kai nawna dingin mi leh kâr (social distancing) siem ro an mi tih. Suola inthoka hla taka um le kâr neia um ding ei nih. Josefa khom suol thaw dinga thlemtu, a pi bul hnaia a um nuom nawh. Sâm 1:1-a chun “Mi suolhai remruot zui ngai lo, mi suolhai lampui hraw ngai lo mi hamtha a va ni ngèi de” ti thu ei hmuh. Joba khoma “Mi rilohai remruotna lakah kei chu ka’n thier fihlim dai a nih” a tih. Hi Baibul thuhai ka tiem phâ hin kan naupang hun laia ka nuin ruola inthok suol thaw inchûk a ol leiin kan ruol pawl ding a mi phal naw hai dâm ka hriet suok hlak.

2. Suol tlânsan rawh: Suol tlânsan hi ei him thei dan ding tak a nih. Josefa khom a korfuol a piin a man khan a’n tal suok a, a suok ta dai a nih. Evi khom kha rûl le sie-le-ṭha hrietna thingra umna hmun kha tlânsan sien chu a him ring a um a. Baibul khoma tleirawl chakna suol nghatsan ding (2 Tim 2:22), inngaina suol bânsan ding (1 Kor 6:18) le milim biek nghatsan ding (1 Kor 10:14) thu a mi hril a. 1 Tim 6:11-a chun, “Sienkhom nang, Pathien mi, chuonghai (inhnarna hai, innghirnghona hai, inhrilsietna hai le inringhlelna hai, inhalna hai, tangka sum ngainatna, etc.) tlânsan rawh” tiin a mi’n fui a.

3. Suol do lêt rawh: Fak sukṭhat le taksa insawizoi hin ei taksaa natna hrik a do lêt theina kha a sukhrat a. Chuong ang tho chu thlarauva khom a nih. Pathien thu hi a hring a, thil a thaw thei leiin chu chun ei insukmuk a ṭul a nih. Ringna thienghlim taka inrem nghet ding dâm, Kristaa zung keia insuknghet tung pei ding dâm le inthlamuong tuo a insukhrat tuo dingin a mi’n fui bok a nih. Isu’n Setan a hnena thuruk khom kha Pathien thu vek hmanga suol a do lêt lei a nih. Inkhèl hrim hrim hi ‘a bèia bèi kalh-mang’ (attacking mode) naw chun hnena an chang ngai nawh. Chun, râl hmuna khom hin invèng hrata thaw nekin a do hrat hratin hnena an chang hlak bok. Chuleiin, Ef. 6:14-18-a Pathien ralhuom a hrilhai kha attacking mode-a hmang ding deu vong an nih.

Suol hne peia ei um a, thlarau nun hrisel le thienghlim taka ei vong theina dingin Lalpan a thu malsawm raw se.

New Delhi, 7 July, 2020.



HREPUTU

Editorial

HCFD MISSION FIELD REPORT
(Trawngtaina dinghai)
Pastor Lalsiesang Zote

COVID-19 LE KRISTIEN SAKHUO SERIES IV, V
Upa (Dr.) Lalsiemlien Pulamte

THU CHUN HRINGNA A MI PEK SI A (SAM 119:50)
Pathien Thu hi i hlawkpui ve am?
Pastor Ramhmunsanga Sanate

THLARAU HRISELNA DINGA SUOLA INTHOKA
(SOCIAL) DISTANCING
Upa (Dr.) Lalsiemlien Pulamte

Hrepuitu

Hmar Christian Fellowship
Delhi
Chanchinbu Thlakip Suok

(Regd No:S/ND/599/2015)

Vol. 15 No. 5
May- June 2020

Editor:

L. Robert Varte

Jt. Editor:

Upa Lalsiemlien Pulamte

Editorial member:

Pu Immanuel Khawbung

Printing:

Pu Nehemiah D. Ruolngul

Contributing editors:

Pastor Lalditsak Inbuon

Pastor Lalsiesang Joute

Address:

Editor, Hrepuitu,
No. 1221

RK Puram, Sctr 12
N Delhi-22

Tel: +85888-06754

email: hrepuitu@yahoo.
com

***Hrepuitu a article insuo
hai, ngaidân suklanga
um(hai) hi HCF Delhi
ngaidan a(n)ni chuong
kher nawh. Ziektu tin
mawphurna a ni lem.
Pathien thu le artikul
insuo nuom hai chun
iengtiklai khawma editor
hai email ah thuziek hai
chu pek thei zing a ni -
Editor***

Editorial:

Tulai ei khawvel hmang mêk hi zingah ieng thil am hung tlung a ta, annawleh Covid-19 damna-wna hi invoi nawng ka tih tukhom ti thei ei um ka ring nawh. Naupang deu khawmin an invoi, hrisel deu hai khomin an invoi, mi upa deu hai khomin an invoi, chuonglai zing chun Covid-19 invoi, hung damsuok nawk an um zing bawk. Ei hmateng ei thil hai hi einin, 'control' ei neih naw emem a nih.

Hi khawvel hmun tin hi natna hin a fansuok mek lai hin, iengtinam, eini Isu Krista zuitu le ringtu hai hi ringnawtuhai angin tri dor dor a hun hmang ding ei ni?

Voisun article pakhat ka tiem na a chun, **“Preparing to Die is the Best Way to Live”** ti English a ziek ka tiem fuk a. Hmar tawng chun “Thi dinga inring zing hi hringnun hmang dan thratak a nih” tiin mawl deuin zuk inlet inla.

Anni ngei, Krista ringtu hai chu ei hmathra emem a nih. Thina hi ei tuok ngei ngei ding chu a nih a, nisienlakhawm thina hi ei hringna thar kot hawngtu ani leiin, Isu Krista zara thina khela chatuon hringna rochan ei neih leiin, nitin ei khawvel hmang mek a hin, thi thei zing ei ni leia inring zinga ei nitin hmun hmang chu ei ta dinga hringnun hmang dan thratak a nih ding a nih. Chu chu Isu Krista khawma a mi chukhtir a nih. Fillipi 1:21 “Ka ta ding chun hring hi Krista a ni a, thi khom hlawkna a nih” **(For to me to live is Christ, and to die is gain)**, a lo ti angin, eini khawm ei hringnun ei hmang pei na a hin, nitin hi Krista tadinga hmangtu ei ni seng thei na dingin, Pathienin mal mi sawm pek raw seh.

pul sîp zumah a’n ngirtir a, “Pathien Naupa i ni takzet chun inchawm thla rawh. I vantirkohai chu thu pein, an kutin dom an ti che a, lungah i ke sui naw ti nih” tiin a thlem a. Isu chun a kuomah, “Lalpa i Pathien fie naw rawh’ ti khom ziek a nih” a ta. Deut 6:16-a mi a suklang a nih. Hripui inlêng laia invênghim dân ding an hrilhai thaw tum si lova ‘Pathienin mi vênghim naw ni’m’ tia insuk thlarau mi vieu hin Pathien fie tumna a tling lem ring a um.

A òm thumnaa chun Diebol chun Isu chu tlâng insâng takah òthuiin, khawvel lalam po po le a ropuina a’n entir a, “Bokkhuin mi chawibiek la, hieng po po hi pe vong ka ti che” a ta. Isu’n a kuomah, “Setan, fe hmang dai rawh! ‘Lalpa i Pathien chawibiek la, ama rong chauh bawl rawh’ ti ziek a nih” tiin Deut 6:13-a mi hmangin a don a. Chuong chun Diebol chun a maksan a. Khawvel hausakna, ropuina le thuneina hai hi Setan mi thlemna hmangruo poimaw tak an ni hlak hrim a nih. Rûlin Evi a hlemna khom kha ‘Pathien anga vâv theina’ ti a ni kha.

Inchûk tlâkhai: (i) Setanin Isu kha 100% mihriem a ni ti a hriet chieng leiin a phingtam lai takin lung beia inchantir dingin a thlem a. Chuong ang deu chun Setanin ei chiehnipna takah a mi thlem hlak a nih. Nuhmei-pasal thila inhuot hai chu uire dingin thlem hlak a ta, sum ngaina mi chu hlepru dingin thlem bok a tih.

(ii) Isu Krista ngirhmun hi Diebolin a hriet chieng a. A hne naw ding hre sien khom Diebolin Isu kha thlemna insâng tak, Pathien thu hmangin a la thlem ta tho tho a ni kha. Eini hai khom thlarauva ei ngirhmun ang peiin (ei piengthar hlim le thlaraua ei hung puitling hun) Setan mi thlemna hmangruohai hi inang kher naw nih. Mihriem ei la ni sùng chu hratnawna le chiehnipna nei ngèi ding ei ni a, sienkhom ei hmelpa hlak hi a taima ngang el si a. Sakeibaknei angin sè ding zongin a mi vê zing a nih. Ama lakah hnena ei chang a, ei him theina ding chun Pathien thu ei hrietrawn el bâkah zawm nuomna lungril khom ei nei sa a òul takzet a nih. Pathien thu vèk hmangin Diebol hi hne thei chauh a nih.

Thukhaikhawmna:

Ei thu khaikhawmna dingin Baibul characterhaia inthoka ei inchûk, suol donaa òhang ei lak dân ding pathumhai chu hienghai hi an nih:

hongtu dingin Pathienin Josefa kha an hmaah a lo tir hmasa a nih.

Inchûk tlâkhai: (i) Josefa chu a pu nuhmeiin suol thaw dingin thlem sien khom a pu ringzona a hlaw kha a'n phatsan tum naw a. Chun, "leng tinam hieng ang thil rilo hi thawin Pathien lakah suol ka thaw ding a na?" tiin a hnawl a nih. A pu a'n za el khêlah Pathien a ti a ni ti a suklang a. Pathien nauhai ta ding chun thil rilo thaw hi Pathien chung a suol thaw a tling phâk a nih.

(ii) An bulah mi tû khom um naw hai sien khom Josefain a zalpui nuom nawh. Hmutu Pathien a um zing ti a hriet tlat a. Potifar nuhmei kha ieng angin inhong sien khom Josefa chu a nuom nawh. Mi thenkhat chun "suol a hrat êm a, ka do zo naw a, ka tlu el a nih" ti rawi naw mani! Josefa ruok chun suol a do tlat a nih.

(iii) Suol mi thlemna hmun kha maksanin ina inthok a tlân suok a. Suol bul hnaia um lova tlânsan hi damna a nih.

(iv) Josefa zâr khan Potifar a insûngin malsawmna a dong ti khom Josefa khan hrieng a tih. Thiltha mi ei thaw pekna zârin anni chung a intithêi tumna dâm, lo hlawkpui tumna dâm le remchâng lo lak tumna dâm a um nuom hlak a. Josefa ruok chu Potifar le a nuhmei chung a chuong ang chu thaw a tum nawh.

V. Mihriem Naupa, Isu Krista:

Isu Krista hi Mihriem Naupa tia ko a nih. Chu chun 100% mihriem a ni ti a sukchieng a. Chuleiin, eini ang thova tam le dangchar, lum le dei, a thlum a al hre mi a nih. Isun baptisma a chang zo khan Diebol thlem dingin Thla-rauvîn thlalêrah a thuoi a. Ni sawmli le zan sawmli bu a nghei hnung chun a phing a hung tam ta a, Setanin tum thum lai a thlem a.

Setanin "Pathien Naupa i ni takzet chun hieng lunghai hi beia inchang dingin thu pe rawh" a ta, Isu ruok chun " 'Mihriem hi bei chauh ringin a hring naw a, Pathien bauva inthoka suok thu tinreng ringin a hring ding a nih' ti ziek a nih" tiin a don a. Hi hih Deut. 8:3-a mi a hrilsawng a nih. Mi thlemna dingin ei taksa inhoitir tumna le thil a hriet theina (senses) hmangin Setanin remchâng a lak hlak.

A voi hninaa chun Diebol chun Isu chu khaw thienghlimah a thuoi a, tem-

Hmar Christian Fellowship Delhi. Mission Field, Trawngtraina dinghai.

Pastor Lalsiesang Zote

Harsatna a mi chimna kara, Pathien rama ei rawngbawlina Lalpan mal a mi sawma, Hri leiin nuom angin zalen takin chanchinthra hril thei naw in la khom, lock down ei neia inthok khan Zoom hmangin ei mission field (Delhi le U.P) hai infim khomin Wednesday zan zat, Saturday zan zat le Sunday zat worship service nei a nia, hi bak a hin tuk tin Zoom hmangin zing inkhom le trawngtrais inkhom nei a ni zie. Kawngkhat taka harsatna a mi chima Lock down sung hin kohranhai hi Pathien thua nasatakin malsawmna an dawng hmu thei a nih. Hi Zoom hmanga Ministry hi member po po thrang thei nawhai sienkhom member a tam lem an thrang thei a lawm a um khopel. Harsatna kar a ei thei ang anga chanchinthra hril a umhai chu Lalpan mal a sawma, Pathien thu ngaitu ding Lalpan mi a mi pek peia lawm a um hle.

Chun Lock down mi tamtak harsatna an tuok lai zingin ei kohran memberhai fak le dawn thu nisien hri-selnaa harsa tuok bek an um nawa, Pathien zar ei zo hle leiin lawmthu hril ei tiu, U.P tieng a harsa deu thrangpui ngai sungkuo pakhat an uma hriet an ni leiin Shivvihar kohranin an thei ang angin ei zuk thrangpui theia lawm a um hle, chun ringthar kohran member thrangpui ngaihai thrangpuina ding tiin member threnkhatin an thei ang angin sum le pai an hung thaw tawl baw lawm a um khopel, chu baka DHWA khomin kohran sunga family threnkhat thrangpui ngaia a hriethai an hung thrangpui bok lawm an umin thla an sung muong hle.

Lawmthu ei hril ruol ruola trawngtrainaa ei lo hriet dinghai:

01. A hmaa ei trawngtraipui ta, an kawppuihai ringtu ni tahai, thei tawp suoin trawngtraipui zing ei tiu, Lock down leiin a thren village a an fea, hun thra Lalpan a mi peka ei inhmupui vat theina dingin trawngtraizawm zing ei tiu.

Ei lo theinghil pal ta chun, an kawppuihai ringtu ni ta, ei trawngtraipui

dinghai chu a hnuoia hai hi an nih.

Trawngtraipui dinghai.

01.	Mr. Parshuram	h/o	Mrs. Nirmala Devi
02.	Mr. Ramnyak	h/o	Mrs. Poonam.
03.	Mr. Ajay	h/o	Mrs. Sangeeta.
04.	Mr. Rambabu	h/o	Mrs. (L) Shanti
05.	Mr. Beemal	h/o	Mrs. Nirmala.
06.	Mr. Jetendra	h/o	Mrs. Neeva.
07.	Mr. Prempal	h/o	Mrs. Rajkumari.
08.	Mr. Girjesh Gautam	h/o	Mrs. Sonia Kumari.
09.	Mr. Santosh Gautam	h/o	Mrs. Rajkumari
10.	Mr. Pravin	h/o	Mrs. Khushboo..
11.	Mr. Bhaya Ram	h/o	Mrs. Lalti Devi
12.	Mr. Ashok	h/o	Mrs. Nangeeta
13.	Mrs. Beenita	w/o	Mr. Sumit
14.	Mrs. Sunita	w/o	Mr. Pradeep Kumar.
15.	Mrs. Sunita	w/o	Mr. Subash.

An kawppui ringtu ni tahai.

Note: A hmaa ei hung hril ta angin Serial no: 3 Ajay hi a hung inkhom tran taa, Lock down sung khom inhmupui a nia, a hringnun an thlak danglam pei, lawmthu hril zingin trawngtraipui zing ei tiu.

Chun, Serial no: 10 Mr, Parvin hi Jaila kum hni le a chenve vel an tang hnungin ei trawngtraipuina zarin Tarik ni 23 June khan a hung suok thei taa, ama hi a jail intang dan hi Tourist car khal a na, a cara khala Zu (wine) an dap dok leia, case neia jail intang a na, a nu le a nuhmei hi a jail intang kara ringtua hung lut an na, inkhom za thin a jail suokna dingin trawngtraipui subject a an puong zie hlak, A hung suok ni khoma unaupa Vanlalthlanin a van hmupuia tu hin Pathien thu hohlimpui a ni zing, a nu le a nuhmei hin thrahnem an ngai hlea. Jail a inthoka a hung suok khom hi Pathien kuom ei trawngtraina lei lieu lieu a ni zie a nuhmei le a nu hin a tih.

Serial no:15, Mrs. Sunita w/o Subash khom hi Baptistma service nei hmasataka Baptistma lak a nuom thu a hril tah.

02. Hienghai baka, tuta regular taka family ei inkhompuihai, trawngtraipui naa ei hriet dinghai.

ka ti che a, i hmua ngèi sùn pachangah i nuhmei chu zalpui a tih. Nang chun a rûkin i thaw a, kei ruok chun Israel hai po po mithmua ngèi sùn varah ka thaw ding a nih” Davida kuomah a tlung a. A sukpuitingna chu “Israelhai po po mithmua chun a pa hmeihai chu Absalomin a zalpui ta a” (2 Sam. 16:22) tia khan ei hmu.

Inchûk tlâkhai: (i) Sin thaw zoa chawl hadam hi Pathien thu khom a nih. Amiruokchu sin thaw laia chawl amanih hadam hi Setanin remchang a lak nuom vieu. Taksa le lungril awl taluoah hin suolin bû a khuor nuom bok a. Ei hmelma Diebol taimakzie chu mi fak ding zongin an vèl ruoi zing a nih. Chuleiin, taksa ta dinga sinthaw ding siem le lungil khom Pathien thuhai ngaituonaa suksip tum ding a nih.

(ii) Suol thawna dinga a kalbihai hi an tluong nuom phien el a. Chuleiin, an inkeibat tuona (chain) hi suktan a ÷ul a nih. A nawka kalbi ding kha siem/ daw lo dinga ÷hang lak a ÷ul.

IV. Isu Krista hlimthla, Josefa:

Josefa chu Aigupta ramah an ÷huoi thlak a, Faraw hnuoia vêngtu sipai pawl kapten Potifar chun a lo inchawk a (Gen 39). A pu mitmei a tlung a, a in-sûng enkoltu tak a hung ni a, a nei po po chu a kutah a sie vong a. Josefa zârin in tieng le ram tienga Potifar thil nei po po chu malsawmin a um a. Josefa chu pa duongkai ÷ha tak le hmel ÷ha tak el a nih. Sawt naw te hnungah a pu nuhmei chun a ngaizawng a, “Mi zalpui rawh” tiin a thlem a. A zalpui nuom naw chauh khom ni lovin a pi bul hnaia um khom a nuom nawh. Ni khat chu in sêngah sin thaw dingin a lut a, in sênga chun siehlaw tu khom an um naw a. A pi chun a korfuolah a lo man a, “Mi zalpui rawh” a ta, sienkhom a’n tal suok a, a suok ta dai a. Indik lo taka intumin a um leiin tâng inah khumin a um a, sienkhom a tawpah Pathienin a sansuok a, Faraw dottu, lal ina hotu takah sie a ni thu Baibulah ei hmu a.

A rasuokhai: (i) Josefa indikna le Pathien a ÷itna hin a mimal ta dingin malsawmna tam tak a hmu phà a. Hun iemani chen chu a dawnglem le chansie chang angin um sien khom a tawpah ngirhmun insâng tak, Faraw dottu, lal ina hotu takah Pathien hlangkaiin a um a. Farawin a khuo le tuihai chu a thu ang peia um dingin thuneina a pek a nih.

(ii) Israel hnam hung inder ÷an tâ ding khoma Josefa hi malsawmna a nih. Tâh huna Jakob le a thlâhai hringna sandam ding le ram ÷hatna hmun, Aiguptaa Israel kha hnam tling thei hiela an hung pung theina dinga kot lo

Zan tieng ni nema hin Davida chu a lal in chung a chun an vak vel a, in chung a inthok chun nuhmei pakhat insil lai a hmu a, hmel tha a ti hle a. Davidan Betseba a uiretpui dinga, a kalbi sirhai chu (i) a hmu a, (ii) tu am a nih ti zong suok dingin mi a tir a, (iii) an hung thuoi a, a lo zalpui a ti ei hmuh. Davida hin Betseba insil lai a hmu hi a mitin a en naran el an ta naw a, Isun Mt. 5:28-a “Ingaipui chakna mita nuhmei meltu chu a lunggrilah a uire dêr tah” a ti kha Davida lunggrilah a lo tlung dêr tah a nih. Chu chena chun tawp el sien a zie zie la um ding a na, sienkhom, tu am a nih ti zong suok dingin mi a tir a. A lunggrila suol um kha a taka suk puitling tumin thang a la lak sa deu deu a nih. Betseba kha Israel sipai raldo laia thang, Hit mi Uria nuhmei a ni ti an hung ripawt lem khan chu Davidan a zuom deu deu ni awm a nih. Hma tienga thil a thaw dan dinghai khom Davidan a phierruk fel vong khom a ang a, a va’n ko tir a, an hung thuoi a, a lo zalpui a. Suol thawna dinga thil phierruk theina khom hi Setanin a mi pek ve thei ring a um ie.

A kakhaw: (i) Davida le Betseba hai chu an uiret lai hmutu le hrepuitu mihriem um naw hai sien khom Pathienin a hmu a, Pathienin a zawlnei Nathan tirin Davida chu a suolzie inhrietirin zil a nih. Uria kha Davidan a suol thupna dinga râl hmatawngah inumtirin râl kutah a thi a. Davida kuta thi ni naw sien khom thil phierruktu, Davida kha tuolthattuah intum thei a nih. 2 Sam. 12:9-a khan Nathanin Davida kuomah, “Hit mi Uria chu kawlnamin i sukhlum a, a nuhmei i nei pek. Amon mihai kawlnamin i that a nih” tiin a hril. Lev. 20:10 le Ex. 21:12-a danhai dungzui chun Davida chu a uiret le tuolthat leiin sukhlum tlak a nih. Sienkhom a suol simin, “LALPA lakah thil suol ka thaw a nih” (2 Sam. 12:13; Sâm 51) a ti leiin a hringna hlapek mei mei chauh a nih. A hnungin Pathien leh an inlaichinna siem thar pek nawk ni sien khom a suol thaw ra kakhaw chun a zui ta pei a, ama nuna le a lalramah lungnginan a’n zam khum a nih.

(ii) Betseba leh an nau chu naute a ni laiin a thi pek a, lusunin hun an hman tan a.

(iii) Nathanin Pathien a inthoka a thu dong, “I mi ngainep a, Uria nuhmei chu i nuhmei dinga i lakpek leiin tuta inthok hin i inah kawlnamin inlêng tâng a tih” (12:10) tia a hrillaw kha rapthlak takin Amnon le Absalom hai thinaa khan sukputling a nih. Absalom thupek angin a siehlawhai chun Amnon chu uoiin inruia a hlim lai tak an vuok hlum a. Chun, Absalom khom Joab ralthuom chawitu mi sawmin an sun hlum a nih.

(iv) Nathan fethlenga LALPA thu, “I mithmua ngèi i nuhmeihai chu lakpek

Maya Garden Haryana border a inthokin: Mrs.Sunita (Subash a nuhmei, sl no 15 khi a nih) Manisha le Kiran hai hi an nih, Isu Krista Lal le sandamtua an hung pawm vatna dingin trawngtraipui ei tiu.

03. Mohan Garden a Pathienthu ei hril hai: Shoba Devi, Pratibha, Shari-ta, Momta, le Shakti hai hi an nih, an ni hi family thra tak an ni, an renga Isu Krista Lal le Sandamtua an pawm ngeina dingin trawngtraipui ei tiu.

04. Shivvihar kohran thralai Nk. Rakhi hi a nun a pasal ding ngaituo dingin a mi tia, ringtu pasal thra tak Lalpa kuoma lo ngen pek ei tiu, Ama Nk Rakhi hi worship thruoitua ei hmang a na, An family hi a pa ti lo po ringtu an nit aa, unau pasal pakhat a neia, a unaupa chu Key-board hmet a ei hmang hi an nih, A nu le a upan ringtu ngei pasala nei ding an ti a nih. A pa chu trawngtraipui dinga serial no: 7 Mr. Prempal h/o Mrs. Raj Kumari hi a nih.

05. Ei Fellowship in ei enkawl Bethany School khawm trawngtrainan lo hrieng ei tiu. Ei hriet seng ta angin Coronavirus leiin school kai thei an naw chau ni loin exam tak ngiel khom nei thei an nawa, chu chau chu ni loin new admission khom thaw hman lo ei na, nasatakin harsatna ei tuok a nih, chun school dang angin ei naupang enkawlhai hi insung harsa te te an ni tawl leiin school danghai anga online class neipui thei an ni baw, Chuleiin, School hi hawng a ni vatna ding le naupang tamtak Lalpa kuoma hning ei tiu.

U.P Mission Field a inthok:

06. Unaupa Subash Ajamgarh District a inthoka report ei dong danin, Lock down leiin nuom angin tulai chu rawngbawlna a fe hrat thei nawh, Pathien zarin kohran hai an dama, lawm thu hril pui ei tiu, chun ama Subash khom a sin a thaw tran thei nawk taa, chu kar laka a thei ang angin kohranhai a sir tawl hlak. Ama Subash hi taksa le thlaraua an thrang peina dingin trawngtraipui ei tiu, chun khi lai hmuna rawngbawltu ding an tlawmpui thei ding thra tak Lalpa kuoma hning ei tiu.

Unaupa Evan Pramod Kumar: a inthoka report ei dong danin, Lock down leia harsatna kara mi tamtak Pathien thu ngainuom an uma, Covid19 hi kawng khata chanchinthra hrilnaa malsawmna a ni thu a hung report, June ni 21 Sunday a inthok khan Biek in inkhom an tran nawk thei taa, lawmthu hril pui ei tiu. Ni dang naw ang takin ringtharhai inkhom an

phura, sienkhom social distance nuom leiin memberhai selected deua inkhom hi neipui an nih.

Trawngtrainaa hriet dinghai:

07. Lock down sung hin mobile phone hmangin mi thar mi iem mani zat contact an ni tawla, chu lai chun a bik Shikhohabad Kohran in Out reach naa an nei Badhan village sikhohabad a inthoka 25 Km vela hla, mission field a an nei, July ni 4 Satuday khan Shikhohabad kohran motor hire in hi village hi va visit a nih, Pathien zarin response a thra hle. Ringtua hung lut nuom iem mani zat zet an um, trawngtrainan hre zui ei tiu.

08. Tu chena, hun remchang hmasataka Baptisma la ding hming hung pe ta hai ei lo trawngtraipui dinghai:

1. Mr. Vimal Kumar.
2. Mrs. Rajanshree
3. Mr. Vikash Kumar.
4. Mrs. Rupa.
5. Mr. Jayveer.
6. Ms. Jyoti.
7. Mr. Sanggam
8. Mr. Krishna
9. Ms Madhuri
10. Sonam
11. Mr. Deepak
12. Mrs. Satyavati
13. Ms Pinky
14. Mr Jeetish Kumar
15. Mrs. Sukh Devi.

09. Pathien zarin Fellowship memberhai le mission field a ringthar kohranhai Lalpan a mi veng tawla lawmthu hril ei tiu.

10. Coronavirus leiin mi tamtak sin thawna intrum lo le sin nei ta lo an umhai chuonghai chu sin thra tak tak Lalpa kuoma hning ei tiu.

11. Missionaryhai le School staffhai trawngtraipui bok ei tiu, Pathien hmangaina le thilthawtheina inthuoma thilthawthei taka chanchinthra an hril zing theina dingin, le hriselna thratak Pathien kuoma hnipui bok ei tiu.

Lalrama inthrahnemngaipui: Pastor Lalsiesang Zote.

HCFD Mission Field

pei a.

Inchûk tlâkhai: (i) Abram in Lota kuomah a dit lemna hmun thlang dinga a hril khan Lota chun a taksa inhoitirna le khawsak theina ding ngaituo le thlakhlain ram thatna le hnawngna hmun, Jordan phaizawl a thlang a, a tawpah mi rilohai umna Sodomah a'n sonlut a. Mihriem hin taksa khawsakna ding bakah thlarau nun chawmna ding khom ei ngaituosa a tulzie a mi'n chûktir. Lekha ei inchûk a khawsak tung peina (career) ding ei siem amanih sin thaw ding ei zongna konga khom hin khawsak theina ringot hin ei nun a suk hlawtlingtir naw a, thlarau damna ding khom hi a lo poimaw em em a nih.

(ii) Lota kha a papui Abram zâr chauva khawsa thei a ni ti kha a hriet tho ring a um a. Sienkhom, dit thlang hmasa theina pek a ni khan Abram chan ding ngaituo dêr lovin duam, hmasiel le huomhau takin a ditna hmun tak kha a zuk thlang top el a nih. A khawsak theina dinga a ngai thlang sien khom a tawpah kut bêngthekin Sodoma inthok a hung suok tho a nih. Pathien thang lova hausa le khawsak thei hin thlarau nun ram hi thlalêrah a'n chang tir a, taksa le thlarau neia siem mihriem ta dingin hlawtlingna tluontling a tlung phâk nawh.

III. Pathien lungril ang put mi, Davida:

Uiretna suola Lal Davida a tlûkna hi 2 Samuel bung 11-ah ei hmu a. Hi hun hi thal lai, indoa lalhai an suok hlak hun tiin a'n ziek a. A hun hi boruok a'n nem hun le busik zo, khorsaw ding hnienghnar hun lai ni dingin ring a um. Davidan Israel sipaihai po po chu Joab rawiin a tir a, Amon thlahai an va sukbohman a, Davida ruok chu Jerusalemah a um a. Thumal 'ruok chu' ti hin umzie a neiin ka hriet a. Dân narânin indonaah lalin a sipaihai hmâ a lakpui hlak a. Israel laltak ni siin Davida chu a sipaihai lai, raldona hmuna um lovin Jerusalemah a um a. Davidan Uriah a ina fea a nuhmei kuomah va chawl hadam dinga a tir khan Uriah chun "Indo laiin kei ieng tinam inah inlawiin, faa dawnin, ka nuhmei kuomah ka zal bik ding maw? I hringna le i thlarau hringna sâlin ka hril, chu chu thaw naw top ka tih" tiin a don a. Israel sipai meu khoma indo laia ina hadam taka va chawl chu a'n thiem naw a, a sipai chanpuihai lakah a ringumna insuoin thaw chiah a ngai naw bok a, thaw thak lo dingin a'n sâl bok a nih. Chuleiin, lal meu, indo hun laia Jerusalem lal inah a lo chawl hi inthiem naw hle thei a nih.

A kakhaw: Evi le a pasal Adam hai suol thaw kakhaw hi a nasa hle, mihriem po po suola tlûkna, Eden natna a pieng phâ a nih. Chu natna damdawi inumtir theina sun chu Pathien Naupa, Isu Krista chu vâna inthoka ko thlak a, misuol buruhai hremna Kalvari krawsah a hung thi a phût tlat a nih.

Inchûk tlâkhai: (i) Pathien thupek hi belsa ngai naw la, sukdáu bok naw rawh.

(ii) Suol hnai naw la, a bulah chêng ngai naw rawh.

(iii) Suol hi inkai a olsam a, suola inthok inthier fihlim vat ding ei nih.

II. Lam chenve chênâ Abraham zuitu, Lota:

Pathien kona anga Abram (a hnunga Abraham tia ko) chu Kanaan ram hluo tuma a'n zinkuolnaa chun a sangpa naupa, Lota chun a zui pei a (Gen. 13). Bethelah an chêng lai chun Abram le Lota chun ran an hau ve ve tah leiin ran tlatna ding ramin a dai ta naw a, an ranpuhai an hung inhal tan a. Chuleiin, an pafa chun inthe an rot tah a. Abram in Lota kuomah, "Nang voi tieng i fe leh kei chang tieng fêng ka ta, ..." tiin a ditna tieng a'n thlangtir hmasa a. Lota khom chun a papui zâra hausa a ni ti inhrea lawmna châng le inphalamna châng hre thak lovin a hang thlir vêl a, Jordan phaizawl chu LALPA huon ang le Aigupta ram ang ela ram hnawng tha a nih ti a hriet a. Chuongchun, Lota chun Jordan phaizawl chu a thlang ta a. Jordan phaizawl khuoa hai chun a chêng a, inson peiin Sodom khaw bulah umhmun a khuor a. Sodom khaw mihai chu mi rilo, LALPA ngaia mi suol buru tak an nih. A tawpah Sodomah an tawl lut ti ei hmuh. LALPAN Sodom a suksiet ding thu le tlân suok dinga Lota'n a makpa huolhai a hril khan an nuihan el a nih. Chun, Sodom a suoksan ding khoma a la muongchang êm leiin vantirkohai chun Lota le a sênghai kuthai chelin khaw puo tieng chun an kei suok a.

A kakhaw: (i) Lota nuhmeiin Sodom a ngai/thlakhla luotin a nghakir a, chi lungah an chang a.

(ii) Lota le a nau nuhmeihai chun an insanhimna, Zoar maksanin tlângah an kai a, chu taka chun pukah an um a. Sodom kha maksan ta hai sienkhom a suolna chun a hung zui pei ni naw ni'm, Lota naunu pahni hai chun an pà lakah nau an pai ve ve tah a, chuonghai chu Moab le Amon hnam thlatubul an nih. Hi hnam pahni hai hi Israel hai kumkhuo hmelmâ an hung ni tung

COVID-19 LE KRISTIEN SAKHUO SERIES SERIES IV: "COVID-19 HRÌ INLÊNG LAIA 'HOSANA - MI SANDAM RAWH' TIA KHÈK"

Upa (Dr.) Lalsiemlien Pulamte

Kum dang chu Palm Sunday ni hin lampui hrawin Naupang Department hai "Hosana" tiin ei lo khêkpui vè hla a. Kum 2020-a ruok hin chu COVID-19 hrilêng lockdown leiin chuong ang chun ei thaw thei naw ding a na, sienkhom ei umna hmun sengah,

"Hosana! Lalpa hminga hung chu, A hamtha;
Ram hung tlung ding, Ei Pa Davida ram chu, a hamtha;
Chunghnung taka khin Hosana",
tiin Isu Krista hun laia Jerusalem lut ding mèk, mipuihai chu lungrilah siein hei khêkpui ve hrim hrim ei tiu.

Khi taka ei thu khêkpui khi Marka 11:9-10 ah a'n ziek a. Hi taka Isu'n Jerusalem a lût hma, kum 500 vêl liem taha zawlnei Zekaria lo hrillawk (Zek 9:9) Isu Kristain a sukpuitingna a nih. Zekaria chun Jerusalema chêng hai chu nasa taka hlima khêk rak dingin a'n fui a. Asan chu an Lal, mi fel le Sandamtu chu an kuom tieng a hung lei a nih. Setan châng a awk tahai, mânia insansuok thei ta lohâi, mâni khâta Pathien panna châng khom hre ta lohâi, Thlarau Thienghlim inhrietir loa suol ei nizie khom hre thei ta lohâi chu mi sandam dingin ei Lalpa ei kuom tieng a hung a nih. Mâni harsatna thu intlun ding le chu taka inthoka mi sansuok dingin lal le rore-ltu hai miin a pan hla a. Ei Lalpa Isu ruok chun ei mamaw a hriet a, ei ngirhmun a mi lunginsiet a, mi sansuok dingin ei kuom tieng a mi hung pan lem a nih. A va thlamuong thlâkin a va lawmum de aw!

Isu Krista hi lal dangdâi tak chu a ni ngèi el! Lal ropui, mi po po sandamtu, lal po po thawthei lo ding thawtu ni siin a'n ngaitlawm êm êm sî. Zekaria-in, "Sienkhom inngaitlawm takin sabengtung chungah a chuong" tia a hril hin Isu mi sandam theina dingin inngaitlawmna hi a hmangruo poimaw tak el a nih ti a suklang a. Tirlo Paula'n, "Ama chu niphung hrimah Pathien ni sien khom, Pathien tluka um chu tum tlat dingah a ngai naw a, iengma-lo anga insiein, siehlaw angin a'n siem a, mihriema hung piengin mihriem angin a hung um a, a'n ngaitlawm a, thi chena thu zawmin, krawsah a hung thi a" (Fil 2:6-8) tiin a lo hril a. A Pain thil thaw ding (ei sandamna) mission a pèk chu thuawi tak le inngaitlawm takin a hlen a nih.

Lal ni siin sakora hung lovin sabengtung chung a chuonin a hung a. Lalhai chun sakor hi indonaah an hmang a, sebengtung ruok chu inremna hun a an hmang ve thung. Debora le a rawihaiin an râlhai hnea ralmuongna an ramah a hung tlung khan sabengtung vâ chung a chuonghai chu hnêna hla sakpui dingin an fiel a (Ror 5:10). Isu Krista kha Lal ni sien khom, râl do dingin a hung nawh. Pathien leh ei inremna ding zonga hung a nih. Hnuoi le vâ inrem ta lo ei inrem theina dingin Isu Krista chu ei saui tanah tângin a hringna chen khom a'n hlân a nih. Luka chun “. a zuitu mipui tam tak chun Pathien an inpâk a, ‘Lalpa hminga lal hung chu a hamtha, Vanah inremna thu inlêng sien’ (Lk 19:38) an ta” tiin a ziek bok a. Pathien le mihriem kêa inremna chu ran le parva thisen hmanga siem el thei a'n ta nawh. A lampui umsun, Judahai Fekan Kut nia kalvari krawsa inhlan dingin Pathien beramte (Isu Krista) chu sabengtung chung a chuonin Jerusalem a lut tah a nih. Eini misuolhai damna ding a ni phot chun ei Lal hin a hringna khom a pèk phal a nih. A va ropui lawm lawm de! Chatuonin a hming inpâkin um raw seh.

Josefa le Mari hai kha Lal Davida thlaa mi an ni leiin taksa ram taka thlir khoma Isu kha lal thlaa mi a ni a, Davida lalthungpha hluo thei a nih. Judahai kha an chung a Rom sorkar rorêna le khuokhirna ning intel an na. Chun, Isu Krista'n thilmak a thawhai an hrietna le zawlnei haiin Mesia thu an lo hrillawka po po an ingaituo chun Isu Krista'n Rom sorkar chu tukdola an thuneinaa inthok a sansuok ding a nih ti beiseina insâng tak neiin, “Ram hung tlung ding, Ei Pa Davida ram chu, a hamtha”,

tiin an khêk dur dur a. Sienkhom, ni tlawmte hnungah an beisei anga thil a tlung naw phingin anni vèkin, “Hemde rawh” tiin ha rawt le an lungrila tongsie inphur pumin an khêk a. Eini hai khom hin Kristaa taksa thil ei beiseihai ei hmu naw pha hin Isu hemde dingin rawl ei insuo el hlak am le? Hotu lâkna dinga interview-a hung Kristien candidatehai kuomah, “I ta dinga Isu Krista'n thil a thawpêk che ropui tak iem a na?” tia kan don châng hin, a tam lemhai chun taksa thil an inzawt kuol t̃eu hlak. An taksa le an thlarau Isu Krista'n a sandam thu hrilna châng an hriet ta ngai nawh. Isu Kristaa ei beiseihai hi taksa khawsakna thil chauh, thil kum hlun lo ding a tam hlak ngèi maw? Kristaah thlarau thil beiseitu tam inla chu eini lai thlarau mi tam rawi naw mani'm. Tulai chu prosperity gospel (Kristienhai chu taksa malsawmna le thil t̃ha tieng chauh nei dinga) inchûktirna a tam taluo tah. Ei taksa mamawhaiin ei chatuon mamaw an hlie tlat hlak hi a poi èm èm a nih.

“THLARAU HRISELNA DINGA SUOLA INTHOKA (SOCIAL) DISTANCING”

Upa (Dr.) Lalsiemlien Pulamte

Tulaia natna t̃ibai um tak, Covid-19 hri kai nawna dinga mithiemhaiin social distancing thaw ro (practice) tia an thurawn hi ei thlarau nuna khom hei laklut a remchang khop elin ka hriet a. Suolin Pathien le kêa a mi siempek bakah taksa le thlarau thina hiel khom a'n t̃lun thei leiin t̃i a um ve èm èm a nih. Thlarauva ei hriselna ding chun suola inthok ‘social distancing’ ei thaw a t̃ulzie thu le Baibula mi inlâr t̃henkhat haiin suol an hne/ hne naw chanchina inthok inchûk ding hei keisuok tum ei tih.

I. Mihriemhai thlatubul, Evi:

Adam le Evi chu Eden huona inhoi ti deuva an khawsak lai chun suolin t̃hang a hung lak t̃an a. Rûl chun nuhmei kuomah, “Pathienin, ‘Huona thing rahai hi in fak a thieng nawh’ a ti chie maw?” tiin hlemna sin chu a hung t̃an a. Evi chun ‘Sie le t̃ha hrietna thei ra ruok hi chu i fak ding a ni nawh, i fak chun thi ngei ngei i tih’ t̃i Gen. 2:16-17-a Pathien thupeka khan ‘tawk khom in tawk ding a ni bok nawh’ ti a belsa el tah a. Fak leia thi chu a la awm a, sienkhom tawk leia thi ruok hi chu thil awi um lo tling thei a nih. Chu tak chuh rûlin remchangah a lak ni naw ni'm, “Thi teu hlak inti'm ie!” tiin Evi lungrilah Pathien thupek ringhlana a'n t̃o tir a. Pathien thupek hi belsa le suk dâu chi a ni naw ngèi el.

Gen. 3:6-a chun “Nuhmei chun thing ra chu thei tuihnai, inhnik tak, vâ theina dinga fak chakum hlie hliea a hmu leiin a t̃hen a lo a, a fak a, a kuoma um a pasal khom chu a pek a, a fak ve a” tiin a'n ziek a. ‘A hmu leiin’ t̃i le ‘a lo a’ tia a'n ziekhai hin nuhmei umna ding awm hriet theiin a um a, sie le t̃ha hrietna thing hi a hmu phâk chauh ni lovin a lo phâkah um a nih ti a chieng. Chun, amaah suol a thok dân hi ei sui chun thingra hin a mit a lak vieu a (thei tuihnai), m̃ani chakna insukkhop theina (inhnik tak) le thuneina amanah ropuina pe thei (Pathien anga vâ theina) dingin a hmu tlat a nih. Mita ei hmu le naa ei hriet hai hin suolah an mi t̃huoi nuom hlak. Chun, suol hi inkai a lo olsam khop el. Evi khomin ‘a kuoma um a pasal khom a pek a, a fak ve a’ ti ei hmuh. Tulaia ei khawsakna khom hin nupaa zu dawn dingin t̃hang lak nasat bèk a ngai nawh. Ruol le pai hai suol thawah insie kieng nekin thawpui hi a lo olsam lem. Ei office sin thawpuihai fakrukna tuipuih inhlieupui dingin t̃hang lak rak a ngai nawh, asan chu ‘a system-in a phursuok rêng a nih’ tiin an suonlam hlak.

sèng huoma inchawa fàk/inkâp nuom seng nîng ei tih. Voisun hin Coronavirus hrî nêka ðibaum, Eden natna inthoka Isu Krista mi sandamna thu ringnawna suolah i la um zing am? Chu ringnawna chun thiemnaw an chàng tîr zing tah che a nih.

Hripui inlèng kêa khom hin Lalpa Pathien zangaina zârin i hringna hlà le sukseiin a la um a. A thlawnin hun in liem tîr ta naw rawh. Pathien mi lunginsietna zâra a thlawna ei hmu, Isu Krista thisena chauh sandamna a um hi ringin, voisun ngèi hin Lalpa tieng pan dingin tiemtuhai ka fiel cheu. Fekan Kùt umzie inthûktak hrea Good Friday lawmna thuruk chang seng dingin Lalpa'n malsawm cheu raw seh.

**Mi thleng danglamtu Pathien thu
I THU CHUN HRINGNA A MI PEK SI A' SAM 119:50
Pathien Thu hi i hlawkpui ve am?**

Pastor Ramhmusanga Sanate

Tulai chu Pathien Thu ei nei hi ei vangnei bikzie ka hmu thar deu deu niin ka hriet. Indikzo vawng naw inla khawm ei theitawpa Pathien thu ei lo zawm vena hin malsawmna tamtak amin dawng tîrna hai hmu ding a tam hle in ka hriet.

Hrietlo lampui ei hraw sengna a hin, 'I thu chu ka kenhai tadingin khawn-var a ni a...' a ti hai dam hi an dik em em a ni. Zanni lai khan kan ruolpa pakhatin an nupa kar a buoithu le tawngtainaa san dingin a mi hung ngen a. Inthe el thei ngirhmuna an um thu dam a hung hril a. Chuchun ram tin amin ngaituo tîr a. Mizie in ang lo, dit in ang baw lo, lungril put hmang inang baw lo nuhmei le pasal in rem taka um zing chu thil harsa khawm ning a tih. Eini tienga chun nuhmei hai chu Pathien Thu an thawk an pasal hai hnuoia intuluk ding an nina an pawm thiem pei a. Chuonganga thuoitu ding Pathien thu nei ve or pawm ve lo tading chun, nupa khawm indona field a um zing ang el an ni ding a ni a. Kawng tin renga mi thuoitu ding le zui ding Pathien thu ei nei hi chu ei vangnei tak zet a nih.

Lekha ziektu pakhat chun, **'Invet thlak vieuin inlang sienkhawm Pathien Thuin thaw dinga a ti chu, thaw el rawh. Chuchu i tadinga thiltha tak anih'**, a ti a. An dik hle in ka hriet.

Contd on page 9.

Tienlaia lalam ropui tak tak, hieng Babulon, Medo Persia, Grik, Rome le British hai hi chanchin hlui ziekna (history) nawa chuh hmu ding an um ta nawh. Isu Kristaa lalam indina um hi hnuoi lalam ang an naw a, chatuon chena dai ding a nih. Isu ngèiin Pilat kuomah "Ka ram chu hi khawvela mi hi a ni nawh" tiin a don khah. Kristaa chun Pathienin lalam se thei ta lo ding chu a'n din a, chu ram chu hnam danghai hnuoia sie ni ngai naw nih. Lalam danghai po po chu tukdolin suktawp vong a ta, kumkhuoin ngîr zing a tih (Dan 2:44). Chu lalama chun inremna, ngil-neina, ðatna, felna, inpâkna, hlimna le thil ða dang po po chatuonin um tâng a ta. Tâm hai, lungngaina hai, natna hai, ðapna hai, suol le thil ða lo hrim hrim hai ruok chu hmu ding um naw nih. Chu lalama chêng dingin Isu Krista'n lampui a buotsai pèk ta che. Chu khuo-le-tui nina neihai chu an hamðha bèk bêk a nih.

Tulai, hripui inlèng leia ei hringna der thawng èm êm huna hin Lal Isu mi fielnà ngaisaka a chatuon lalama a khuo-le- tui ni dingin "Hosana, Lalpa mi sandam rawh" tiin a kuom tieng nghain khêk ei tiu. Mipui hal khom poisa lova beisei taka "Davida Naupa, mi lunginsiet rawh" tia mit-del pahni khêk haiin Isu sukdamna an chang ang khan nang khoma Lalpa Isu i bêl chun a sukdam thei zing che a nih. Chuong chun, 'Hosana' tia sandam dinga ngèenna chu hnena le inpâkna hla, 'Hosana-in' zui tàng a tih. Hun khir ei tong zing laia Isu Kristaah thlarau beiseina neia sandam inhrietchiengna mi tuel khomin a lo chang hlaui chun lockdown-in a khuokhirhai laia mi hamðha tak nîng a tih. Chu ding chun Lalpa'n malsawm cheu raw seh.

New Delhi, 5 April, 2020.

Contd from page 12.

Pathien thu ei zawm zatin Pathien thu chun ei nun a mi thleng danglam pek hlak a ni a. Nunsie em em hlak hai khawm zainemna a milo pek hlak. Ka nun liem ta hai ka thlir kirin Pathien Thu ka zui lei le ka chel lei a Pathien umpuina ka dawng hai hi ropui ka ti hlak.

Zui ding le chel ding Pathien Thu Pathien in a mi pek neka ropui le hlu thildang iengkhawm a um nawh.

COVID-19 le Kristien Sakhuo Series
Series V: “Aigupta Lockdown Iaia Israel hai Damna - Beramte Thisen”

Upa (Dr.) Lalsiemlien Pulamte

Pathien hnam thlang Israel hai chu Aigupta ramah sal an intâng a. An rinum ti inrûm ri chu Pathienin a lo hriet a, anni sansuok dingin Mosie a tir a. Sienkhom, Faraw chun lulul insuoin a’n suok tir phal nawh. Chuongchun, Pathienin Israel hai sansuokna dingin Aiguptaah hripui sawm lai a’n lêng tir a. Chuhai chu thisen hripui, u’ok intâm, hrik intâm, tho intâm, ran pul hri inlêng, khuoihlipui, riela hremna, khau intâm, thim inzir le nau lutîr thina hai an nih. Thimpuiin a tuom lai lem khan chu tu khom an inhmui thei naw a, màni umna hmuna inthokin ni thum sùng chu an invak suok thei bok nawh. An thu le hla ni lo, Faraw thupêk lei khom ni bok lovin ni thum sùng an in-lockdown el kha a lo ni a. Nau lutîr thina kha Aigupta hai chung a Pathien hremna vor tawp, a nuhnung tak le thina chen intlun thei a nih. Kha huna lem khan chu, “Tu khom in ina inthokin zingkâr chen suok dèr naw ro” (Exo. 12:22b) tiin Israel hai chung a meu khom lockdown thu Mosie-in a puong a ni khah.

Mosie’n Israel hai thu a pèk, ‘Tu khom in ina inthokin zingkâr chen suok dèr naw ro’ ti le ‘In kot bieng chung le sîr ve veah Fekân beramte thisen tât ro’ ti an zawmzie thu chu Exo. 12:28-ah “LALPAN Mosie le Aron kuoma thu a pèk ang char chun Israelhai chun an thaw a” ei hmuh. Israel hai chun an in sengah umin beramte thisen an kotah tâtin Lalpa sansuokna chu an nghak el a nih. LALPA thu ang ngèiin a thu zawm Israel hai chun sandamna an chang a. Israel hai ngirhmun hi tulaia ei lockdown khawvel le khom hin inangna rieu a neiin a’n lang. Lockdown huna Covid-19 hria inthoka ei damna chu thuawina an naw? Hria inthok ei insanhimna dingin ei ram thuoitu hai thu awiin ei in-lockdown a, daktorhaiin ei himna ding guidelines an siemhai thuawi takin ei zawm a ni hih. Chuonga ei thaw lei le Pathien zârin hria inthoka himin ei hringna keisei pèk ei nih. Hnuoia khom hin ram thuoituhai thuawi hi Pathienin mal a sawm hlak a nih.

Ei khawvel histawri-ah la hei chêng zom met ei tih. Kum sang hni liem tah sùng khan khawvelah hripui sawm le pakhat vêl a’n lêng tah a. Hripui inlêng hi a’n zing deu deu a, kum 170 chauh liem tah sùng ringot hin khawvelin hripui pariet lai a lo tuok tah. Aigupta rama nau lutîr thina kha

Pathienin Israelhai Aiguptaa inthok a sansuok tawma hripui nuhnungtak a’n tlung tir a ni angin tuta tuma COVID-19 khom hi Isu Krista’n a mi thienghlimhai a lawr hmaa hripui nuhnungtak a ni thei el awm de ti ngaituona a mi pèk a. Khawvela hripui tlung inzingzie dâm, tuta COVID-19 hri inkài ol dan dâm, inenkolna ding damdawi an la hmu suok naw thu dâm le khawmuolpui (continent) po po a dâp suok thu dâm enin hun tawp ei hnai tâkzie ring hla a um nawh.

Aigupta chung a Pathien hremna hripui nuhnung tak kha Israel hnam ni sien, Aigupta hnam ni sien, a tu tu chungah tlung thei ding ngirhmuna um chu a hoi khop el. Asan chu Israel hai damna dingin an in suok san lo ding le an kothaiah beramte thisen tât dingin Mosie le Aron fethlengin Pathienin thu a pèk tlat a. Israel insùng khom lo ni sien, hi thupêk an zawm naw chun an him bik chuong naw ding a nih. Hi taka hin thlarau thinain mi po po a fang suok a (thina vantirkoin Aigupta ram po po a fang suok kha hre zing ei tiu), Pathiena inthoka thu chauh naw chun a mi sanhim thei nawzie thu hriet theiin a um. Israel haiin Fekan Kùt an hmang a beramte thisen an kot bieng le sir ve veah an tât khan thinaa inthokin sandamin an um a ni khah. Kha khan ei ta dingin inentirna poimaw tak a nei a. I Kor 5:7-a “... Krista, ei Fekan kùtna ding Beramte chu inhlain a um ta si a” a ti hin Fekan Kùt tak tak chu Good Friday nia ei suol intlanna ding a Kalvari kawsa Isu Krista thina kha a lo nih. Pathien thu ang takin Isu Krista thisena naw chuh suola inthoka intlanna le sandamna a um thak nawh. Beramte thisenin nau lutîr thinaa inthok a sansuok khêlah Aigupta saltangnaa inthoka suokin ram tiem, Kanan ram hluo ding a an pan theina lampui a lo ni tah. Chuong ang bokin Krista thisen hi Setan bawia inthok a mi’n tlan-suokna le vanram lampui a mi hong pekna a nih.

Hripui le taksa thinaa inthok Pathien mi venghimna chu a hlu taluo. Sien khom unau, taksa damna chauh i dit tawk el ding maw? Mihriem hi taksa le thlarau neia Pathienin a mi siem ei nih. Ei thi hnung hin ei thlarau hi khaw lai hmunah (vanram amanah hrem hmun) fe sien khom chatuon dai, chatuon thil le chatuon chena um zing ta ding a ni tlat si a. Khuolzintu chun a’n zin sùnga ding chauh thuomhnaw le thil a ngaituo a, a kawsa hlak. Chuongang bokin eini khom, chatuon mia Pathienin a mi’n dinhai hin chatuon thil ngaituoin, thlirin, beisei ei tiuva, chun hnot bok ei tiu.

Tulaia COVID-19 hri leia inkhuokhirna, tita le thinaa inthok ei zalên theina ding a ni phot chun a damdawi (vaccine) lo um sien chu, poisa tam tak